

唐
音
統
籤

戊籤五十六薛能之四

唐晉統籤卷

六百七十

七言律詩一

春日旅舍書懷

出去歸來旅食人，麻衣長帶幾坊塵。
開門草色朝無客，落案燈花夜一身。
貧舍卧多消永日，故園鶯老憶殘春。
蹉跎冠冕誰相念，二十年中盡苦辛。

秋夜旅舍寓懷

庭鎖荒蕪獨夜吟，西風吹動故山心。
三秋木落半年客，滿地月明何處砧。
漁唱亂泂汀鷺合，鴈聲寒咽隴雲深。
平生只有松堪對，露迥霜欺不受侵。

洛下寓懷

胡爲遭遇孰爲官
朝野君親各自權
敢向宦途爭虎首
尚嫌身累愛豬肝
冰霜谷口晨樵遠
星火爐邊夜坐寒
唯有報恩心未剖
退居猶欲佩茝蘭

下第後夷門羣舟至永城驛題

秋賦春還計盡違
自知身是拙
求知唯思曠海無
休處
忽喜孤舟似去時
連浦一作一城
兼汴一作兼

宋夾堤千柳雜唐隋
從來此恨皆前達
敢負吾君作楚辭

江上寄情

天際歸舟浩蕩中我關王澤道何窮未爲時彥徒
經國尚有邊兵耻佐戎釀黍氣香村欲社斫桑春
靜野無風年來斷定知休處一樹繁花一畝宮

春日書懷

伯牙弦絕豈求知往往情牽自有詩
龍月正當寒食夜春陰初過海棠時
耽書未必酬良相斷酒唯堪作老師
多病不任衣更薄東風臺上莫相吹

早春書事

百蠻降伏奏三秦錦里風迴歲已新
渠檻水泉花巷濕日銷冰雪柳營春
何年道勝蘇群物盡室天

月一第
遲是旅人焚却蜀書宜不讀武侯無可律余身

晚春

惡憐風景極交親每恨年年作瘦人
卧晚不曾拋好夜情多惟欲哭
殘春陰成杏藥纔通日雨著楊
花已汗塵無限後期知有在只愁
還作總戎身

晚春

征東留滯一年年又向軍前遇火前
畫出鷁舟宜被襖鏤成鷄卵有鞦韆
澄明野水孤城立狼籍風花落日眠
賴指清和櫻筍熟不然愁殺暮春天

張斜道中

十驛褒斜到處慵眼前常似接靈蹤江遙旋入旁
來水山豁猶藏向後峰鳥徑惡時應立虎畚田閑
日自燒松行吟却笑公車役夜發星馳半不逢

題褒城驛池

池館通秦檻向衢舊聞佳賞此踟躕清涼不散亭
猶在事力何銷舫已無釣客坐風臨島嶼牧牛當
雨食菰蒲西川吟吏偏思葺只恐歸尋水亦枯

褒城驛有故元相公舊題詩因仰歎而作

鄂相頃題應好池題云萬竹吳千黎我來已變當
初地前過應無繼此詩敢歎臨行殊舊境唯愁後

事劣今時閑吟四壁堪搔首頻見青蘋白鷺鷥

籌筆驛

余爲蜀從事病武侯非王佐才固有是題

葛相終宜馬革還未開天意便開山生欺仲達徒
增氣歟見王陽合厚顏流運有功終是擾陰符多
術得非奸當初若欲酬三顧何不無爲似有鯨

嘉陵驛

江濤千疊閣千層銜尾相隨盡室登稠樹蔽山聞
杜宇午煙熏日食嘉陵頻題石上程多破暫歇泉
邊起不能如此幸非名利切益州來日合携僧

雨霽宿望喜驛

風雪 寵恩何清江水依然浩浩聲飛鳥旋生啼
鳥在後人常似古人情將來道路終須遠過去山
川實不平閑想更逢知舊否館前楊柳種初成

西縣作

三年西蜀去如沉西縣西來出萬岑樹石向聞清
漢浪水風初見綠萍陰平郊不愛行增氣好井無
疑漱入心從此漸知光景異錦都迴首盡愁吟

自廣漢遊三學山

殘陽終日望棲賢歸路携家得訪禪世缺一來應
薄命雨留三宿是前緣詩題不忍離巖下屐齒難

忘在水邊猿鳥可知僧可會此心常似有香煙

雨霽北歸留題三學山

遠樹平川半夕陽錦城遙辨立危墻閒思勝事多
遺恨却悔公心是謾忙灌口誠尋慙遠客峨眉乖
約負支郎靈龕一望終何得謬有人情滿蜀鄉

漢南春望

獨尋春色上高臺三月皇州駕未迴幾處松筠燒
後歎誰家桃李亂中開奸邪用法元非法唱和未
才不是才自古浮雲蔽白日洗天風雨幾時來

春日重遊平湖

湖上春風發管絃須臨三十此離筵離人忽有重
來日游女初非舊少年官職已辜疲療望詩名空
被後生傳啼鶯莫惜蹉跎恨閒事聽吟一兩篇

題平湖

平湖湖畔雨晴新南北東西不隔塵映野煙波浮
動日損花風雨寂寥春山無俗路藏高士岸泊仙
舟憶主人那得載來都未保此心離此甚情親

水簾吟

萬滴相隨萬響兼路塵天產盡旁霑源從顙氣何
因絕派助前溪豈覺添豪客每來清夏葛愁人才

見認秋簷嘉名已極終難稱別是風流不是簾

清河汎舟

都人層立似山丘坐嘯將無舞神遊
遶郭煙波浮泗水一船繚竹載涼州
城中觀望皆丹雘旗裏驚飛盡白鷗
儒將不須誇郤縠未聞詩句解風流

重遊德星亭感事

潁水川中挾水臺當時難別此重來
舟沉土岸生新草詩映紗籠有薄埃
事繁興亡人少到地當今古我遲迴
殘陽照樹明於旭猶向池邊把酒盃

許州德星亭

漢水南流東有堤堤邊亭是武陵溪槎松配
僧坐藥杏含春欲鳥啼高樹月生滄海外遠郊山
在夕陽西頻來不似軍從事只戴紗巾只杖藜

題河中亭子

河擘雙流島在中島中亭上正南空蒲根舊浸臨
關道沙色遙飛傍苑風晴見樹早知岳大晚聞車
亂覺橋通無窮勝事應須宿霜白蒹葭月在東

漢廟祈雨迴陽春亭有懷

南榮輕檻接城闔適罷祈農此訪春九九已從南
至盡芊芊初傍北籬新池中水是前秋雨陌上風

驚自古塵欲召羅敷傾一盞乘間言語不容人

題彭祖樓

新晴天狀濕融融徐國灘聲上下洪極目澄鮮無
限景入懷輕好可憐風身防潦倒師彭祖妓擁登
臨媿謝公誰致此樓潛惠我萬家殘照在河東

題大雲寺西閣

補

閣臨偏險寺當山獨坐西城笑滿顏四野有歌行
路樂五營無戰射堂閑輦和調角秋空外祜辦征
衣落照間方擬殺身酬聖主敢於高處戀鄉關

題鹽鐵李尚書澹州別業

補

鹿原陰面澹州湄坐覺林泉逼夢思閑景院開花落後濕香風好雨來時鄰驚麥野聞雛雉別創茅亭住老師備足好中還有關許昌軍裏李陵詩

留題汾上舊居

鄉園一別五年歸迴首人間總禍機尚勝鄰翁常寂寞敢嫌裘馬未輕肥塵顏不見應消落庭樹曾栽已合圍難說累章還却去可憐榆柳尚依依

懷汾上舊居

素汾千載傍吾家常憶衡門對院紗好事喜逢投宿客劉田因得自生瓜山頭鼓笛陰沉廟陌上薪

蒸突兀車投暗作珠何所用
人尋擬害靈蛇

并州

少年流落在并州
裘脫文君取次遊
携挈共過芳草渡
登臨齊凭綠楊樓
庭前蛺蝶春方好
牀上僇蒲宿未收
坊號偃松人在否
餅爐南畔曲西頭

平陽偶懷

晉國風流沮洳川
家家絃管路岐邊
曾爲郡職隨分竹
亦作歌詞乞採蓮
北榭遠峰閑卽望
西湖殘景醉常眠
牆花此日休迴避
不是當時惡少年

許州題觀察判官廳

三載從戎類繫匏重遊全許尚分茅劉郎別後無
遺履丁令歸來有舊巢冬暖井梧多木落夜寒窓
竹自相敲纖腰弟子知千恨笑與楊雄作解嘲
相國隴西公南征能以留務獨宿府城作
吾君賢相事南征獨宿軍厨負請纓燈室卧孤如
怨別月階簪草似臨行高塘撼鐸思已稜老木嗥
風念野營殊憶好僧招不及夜來舍卒鎖嚴城

春日使府寓懷二首

一想流年百事驚已拋漁父戴塵纓青春背我堂
堂去白髮欺人故故生道困古來應有分詩傳身

後亦何榮誰言合負清朝力獨把風騷破鄭聲
平生無解亦無操永日書生坐獨勞唯覺宦情如
水薄不知人事有山高孤心好直連猶強病髮慵
梳癢更搔何事故溪歸未得幾拋清淺汎紅桃

將赴鎮過太康縣有題

纔入東郊便太康自聽何暮豈龔黃晴村透日桑
榆影曉露濕秋禾黍香十萬旌旗移巨鎮幾多輓
輓負孤莊時人欲識征東將看取櫓檣落大荒

彭門解嘲二首

嗚嗚吹角貳師營落日身閒笑傲行盡覺文章尊

萬事却嫌官職剩雙旌終休未擬降低屈忽遇還
須致太平頻上水樓誰會我泗濱浮磬是同聲
傷禽栖後意猶驚偶向鷗竿脫此生身外不思簪
組事耳中唯要管絃聲耽吟午可妨時務淺飲無
因致宿醒秦客莫嘲瓜戍遠水風蕭灑是彭城

開題

古今詩話云能鎮彭門時將劉巨容周
岌俱在麾下未數年皆鎮徐巨容鎮襄

岌鎮許昌俱假端

經故能詩云云

八年藩翰似僑居只此誰知報玉除舊將已成三
僕射老身猶是六尚書時丁厚誥終無咎道致中
興尚有餘爲問春風誰是主空催弱柳擬何如

獻僕射相公

清如冰玉重如山百辟嚴趨禮絕攀強虜外聞須

一作應破膽平人長見盡開顏朝廷有道青春好門

館無私白日閒致却垂衣更何事幾多詩句定一作

合關關

秋日將離滑臺貽所知二首

身起中宵骨亦驚一分年少已無成松吹竹簟朝

眠冷雨濕蔬食宿疾生僮汲野泉兼土味馬磨霜

樹作秋聲相知莫話詩心苦未似前賢取得名

燈灺秋光靜不眠葉聲身影獨窓前閑園露濕鳴

蛩夜餘雨風吹落木天地見遠山應北嶽野多空地本南燕明朝欲別忘形處愁把離杯聽管絃

暇日寓懷寄朝中親友

命與才違豈自由我身何負我身愁歸生白髮方
監郡遙耻青衣懶上樓郡南有青山過客悶嫌踈妓樂
小兒慙愛■■貌貅閒吟一寄清朝俚未必淮陰不
拜侯

投杜舍人

床上新詩詔草和欄邊清酒落花多閒消白日舍
人重夢覺紫微山鳥過春刻幾分添禁漏復初

葉滿庭柯風騷委地苦無主此事聖君終若何

上鹽鐵尚書

時太廟宿齋

南宮環雉隔羣塵况值清齋宿大臣城絕鼓鐘更
點後兩涼煙樹月華新簷前漱曉穹蒼碧庭下眠
秋沆瀣津聞說務開心更靜此時憂國合求人

行次靈龕驛寄西蜀尚書

北客推車指蜀門乾陽知己近臨坤

太原府有乾陽門尚書自

北都從辭府郭常廻首欲別封疆更感恩援寡聖

朝難望闕暑催蠶麥得歸村雷公解斷衝天氣白

日何辜遺戴盆

蒙恩除侍御史行次華州寄蔣相

補

林下天書起遁逃不堪移疾入塵勞
黃河近岸陰風急仙掌臨關旭日高
行野衆喧聞鴈發宿亭孤寂有狼嗥
荀家位極兼禪理應笑埋輪著所操

寄唐州楊郎中

補

關雎惟悴一儒生忽把魚鬚事聖明
貧得俸錢還乍喜晚登朝序却無榮
前年坐蜀同樽俎此日邊淮獨旆旌
班列道孤君不見曲江春煖共僧行

塞上蒙汝州任中丞寄書

補

三省推賢兩掖才關東深許稍遲迴
舟浮汝水通

淮去雨出嵩峯到郡來投札轉京憂不遠枉緘經
虜喜初開西樓一望知無極更與何人把酒盃

監郡健爲舟中寓題寄同舍

一寢閒身萬事空任天敎作假文翁旗穿島樹孤
舟上家在山亭每日中疊果盤飧丹橘地落花牀
席早梅風佳期說盡君應笑劉表罇前且不同

聞李夷遇下第東歸因以寄贈

囊中書是居山寫海畔家憑乞食還吾子莫愁登
第晚古人惟愛賤遊閒舟行散適江亭上郡宴歌
吟蠟燭間從此樂章休敘戰漢兵無陣亦無蠻

寄吉諫議

將迎須學返抽身合致蹉跎敢效嘯性靜擬歸無
上士跡疎常負有情人終憑二頃謀婚嫁謬著千
篇斷斧斤聞說舊交賢且達欲彈章甫自羞貧

謝泗州韋中丞埴上日寄贈兼次本韻

魯儒相悟欲成空學盡文章不見功官自掖垣飄
海上鎮從隋岸入山中嘗遭火發瞿曇宅爭得天
如老氏方何意杜陵懷寶客也隨迷路出關東

戊籤五十六薛能之五

唐音統籤卷

六百七十一

七言律詩二

送崔學士赴東川

羽人仙籍冠浮丘欲作鄴侯且蜀侯導驥已多行
劍閣親軍全到近綿州文翁勸學人應戀魏絳和
戎戌自休雖存夜鑄權莫厭廟堂他日少閑遊

送福建李大夫

洛州良牧帥甌閩曾是西垣作諫臣紅旆已勝前
尹正尺書猶帶舊絲綸秋來海有幽都鴈船到城
添外國人行過小藩應大笑只知謗近不知貧

送李涪巡官歸永樂舊居

羨君歸去五峯前
往往星河寶見仙
麥隴夏枯成廢地
棗枝秋赤近高天
山泉飲犢流多變
村酒經釐時可憐
曾約道門終老住
步虛聲裏寄閒眠

送人歸上黨

時潞宋初平

燕臺基壞穴狐蛇
計拙因循歲月賒
兵革未銷王在鎬
桑榆臨熟客還家
雲微對岸漳邊雨
堆阜鄰墻繡北沙
若到長平戰場地
爲求遺鏃辟魔邪

送李倍秀才

南朝才子尚途窮
畢竟應須問葉公
書劒伴身離

泗上雪風吹而立船中家園棗熟歸圭竇會府槐
疎試射弓相顧日偏留不得夜深聊欲一盃同

送同儒大德歸栢梯寺

栢梯還擬謝微官遙擬千峯送法蘭行徑未曾青
石斷拂牀終有白雲殘京塵濯後三衣潔山舍禪
初萬象安薇蕨縱多師莫踏我心猶欲畫圖看

贈歌者補

一字新聲一顆珠嚙喉疑是擊珊瑚聽時坐部音
中有唱後櫻花葉裏無漢浦菰聞虛解佩臨邛焉
用枉當壚誰人得向青樓宿便是仙郎不是夫

舞者 補

綠毛釵動小相思一唱南軒日午時慢鞞輕裙行
欲近待調諸曲起來遲遲停七筇無非聽吻帶宮
商盡是詞爲問傾城年幾許更勝瓊樹是瓊枝

新柳 補

輕輕須重不須輕衆木難成獨早成柔性定勝剛
性立一枝還引萬枝生天鍾和氣元無力時遇風
光別有情誰道少逢知己用將軍因此建雄名

新竹

柳營茅土倦龕材因向山家乞翠栽清露便教終

夜滴好風疑是故園來欄邊匠去朱猶溼漑後蟲
浮穴暗開他日會應威鳳至莫辭公府受塵埃

牡丹

去年零落莫春時淚濕紅牋怨別詩常恐便同巫
峽散因何重有武陵期傳情每向馨香得不語還
應彼此知欲就一作見欄邊安枕席夜深閑共說相
思

牡丹

補

牡丹愁爲牡丹饑自惜多情欲瘦羸濃艷冷香初
蓋後好風甘雨正開時吟峰遍坐無閒蕊醉客曾

偷竊擗枝京國別來誰占翫此花光景屬吾詩

謝劉相公寄天桂茶

補北夢瑣言云薛能以文章自負累出戎鎮

常鬱鬱歎息其謝淮南寄天桂茶二句云云意以將相爲謫官也

兩串春團敵夜光名題天桂印維揚偷嫌曼倩桃
無味搗覺嫦娥藥不香惜恐被分緣利市盡應難
覓爲供堂蠹官寄與真拋却賴有詩情合得嘗

失餽二首

補

偶背雕籠與我違四方端佇竟忘歸誰家白日雲
間見何處滄州雨裏飛曾啄稻梁殘粒在舊翹泥
潦半蹤稀憑人轉覓多相誤盡道嶠然作令威

華表翹風未可期變丁投衛兩堪疑應緣失路防
人損空有歸心最我知但見空籠拋夕月若何無
樹宿荒陂不然直道高空外白水青山屬獵師

答賈吏使寄鶴

補

端羽奇姿踉蹌形稱爲仙馭過清冥何年厚祿曾
居衛幾世前身本姓丁幸有遠雲兼遠水莫臨華
表望華亭勞君贈我清歌侶將去田園夜坐聽

陳州刺史寄鶴

補

臨風高視聳奇形渡海冲天想盡經因得羽儀來
合浦便無魂夢去華亭春飛見境乘桴切夜淚聞

時醉枕醒南守欲知多少重撫毛千萬喚丁丁

孔雀補

偶有功名正俗才靈禽何事降瑤臺天仙黼黻毛
應是宮后屏幃尾忽開曾處嶂中真霧隱每過庭
下似春來佳人爲我和衫拍遣作傚傚一作送一
婆婆

盃

鄜州進白野鵲補

輕毛疊雪翅開霜紅觜能深練尾長名應玉符朝
北闕色染金性瑞西方不憂雲路填河遠爲對天
顏送喜忙從此定知栖息處月宮瓊樹是仙鄉

題集後

補

詩源何代失澄清處處狂波汙後生常感道孤吟
有淚却緣風壤語無情難甘惡少欺韓信枉被諸
侯殺禰衡縱到緱山也無益四方聯絡盡蛙聲

七言絕句

銅雀臺

魏帝當時銅雀臺黃花深映棘叢開人生富貴須
迴首此地豈無歌舞來

折楊柳十首

有序

此曲盛傳爲詞者甚衆文人才子各銜其能莫
不條似舞腰葉如眉翠出口皆然頗爲陳熟能

專於詩律不愛隨人搜難抉新誓
臆常態雖欲勿伐知音其金諸

華清高樹出離宮南陌柔條帶暖

晚

一作

風誰見輕

陰是良夜瀑泉聲畔月明中

洛橋晴影覆江船羌笛秋聲溼塞煙閒想習池公

宴罷水蒲風絮夕陽天

嫩綠輕懸似綴旒路人遙見隔宮樓誰能更近丹

墀種解播皇風入九州

暖風晴日斷浮埃廢路新條發釣臺處處輕陰可

惆悵後人攀處古人栽

潭上江邊嫋嫋垂日高風靜絮相隨青樓一樹無

人見正是女郎眠覺時

汴水高懸百萬條風清兩岸一時搖隋家力盡虛
栽得無限春風屬聖朝

和花煙樹九重城夾岸春陰十萬營唯向邊頭不
堪望一林顚顚少人行

牕外齊垂旭日初樓邊輕好暖風徐遊人莫道栽
無益桃李清陰却不如

衆木猶寒獨早青御溝橋畔曲江亭陶家舊日應
如此一院春條綠遶廳

帳幪纓垂細復繁令人心想石家園風條月影皆

堪重何事侯門愛樹萱

柳枝四首

數首新詞帶恨成
柳絲牽我我傷情
柔娥幸有腰肢穩
試踏吹聲作唱聲

高出軍營遠映橋
曾逢兵火一時燒
風流性在終

難死暖日還生萬萬條
二或作賊兵曾斫火曾燒
四或作依舊春來萬萬條

死字或作盡字

縣依陶令想嫌迂
營伴將軍卽大廳
此日與君係

萬恨數篇風調更應無

狂似纖腰嫩勝綿
自多情態竟誰憐
遊人不折還

堪恨拋向橋邊與路邊

楊柳詞五首

并序

乾符五年許州刺史薛能於郡閣與幕中談賓
酣飲酣酣因令部妓少女作楊柳枝健舞復賦
其詞無可聽者自以
五絕爲楊柳新聲

朝陽晴照綠楊煙一別通波十七年應有舊枝無
處覓萬株風裏卓旌旃

晴垂芳態吐芽新雨擺輕條溼面春別有出牆高
數尺不知搖動是何人

暖梳簪朶事登樓因掛垂楊立地愁牽斷綠絲攀
不及半空懸著玉搔頭

西園高樹後庭根處處尋芳有折痕終憶我遊桃
葉舍一株斜映竹籬門

劉白蘇臺總近時當初章句是誰推纖腰舞盡春

楊柳未有儂家一首詩

自注云劉白二尚書繼為蘇州刺史皆賦楊柳枝詞

世多傳唱雖有才語但文字太僻宮商不高如可者豈斯人徒歟洋洋乎唐風其令虛愛洪邁云能海棠荔枝折楊柳詩皆無過人觀其序及自注僅稍推杜陵視劉白皆蔑如然讀劉詞城外春風云云白詞紅板江橋云云風流氣槩豈能可髣髴之二三四風調新異亦不妨自伐也

吳姬十首

夜鏢重門晝亦監眼波嬌利瘦巖巖偏憐不怕傍

人笑自把春羅等舞衫

龍麝熏多骨亦香因經寒食好風光何人畫得天
生態枕破施朱隔宿粧

滴滴春霖透荔枝筆題牋動手中垂天陰不得君
王召喚著青蛾作小詩

鈿合重盛繡結深昭陽初幸賜同心君知一夜恩
多少明日宣教放德音

補

退紅香汗濕輕紗高捲蚊厨獨臥斜嬌淚半垂珠
不被恨君喚折後庭花

取次衣裳盡帶珠別添龍腦麝縣襦年來寄與鄉

中伴殺盡春蠶稅亦無

補

畫燭燒蘭暖復迷
殿帷深密下銀泥
開門欲作侵晨散
已是明朝日向西

樓臺重疊滿天雲
殷殷鳴鼙世上聞
此日楊花初似雪
女兒絃管弄參軍

冠剪黃綃帔紫羅
薄施鉛粉畫青蛾
因將素手誇纖巧
從此椒房寵更多

身是三千第一名
內家叢裏獨分明
芙蓉殿上中元日
水拍銀盤弄化生

戎籤五十六薛能之六

唐音統籤卷

六百七

七言絕句二

省試夜

一作韋承貽詩唐制舉人試日既暮許燒燭三條

白蓮千朶照廊明
一片承平雅頌聲
吏報第三條
燭盡文昌風景盡難成

加階

二年中散似嵇康
此日無功換寵光
唯有一般酬
聖主勝於東晉是文章

許州旌節到作

兩地旌旗擁一身
半緣傷舊半榮新
州人若憶將

月二十日
軍面寫取雕堂報國真

自諷

千題萬詠過三旬忘食貪魔作瘦人行處便吟君
莫笑就中詩病不任春

寓題

王澤山來雅在新尚詞微事可愁人浮蛙滿夜關
睡弱猶賀清朝有此身

偶題

到處吟兼上馬吟總無愁恨自傷心無端夢得釣
天樂盡覺宮商不是音

春詠

春來還似去年時
手把花枝唱竹枝
狂瘦未曾食
有味不緣中酒却緣詩

春題

柳莫搖搖花莫開
此心因病亦成灰
人生只有家園樂
及取春濃歸去來

寒食日題

美人寒食事春風
折盡青青賞盡紅
夜半無燈還有睡
鞦韆懸在月明中

秋題

獨坐東南見曉星白雲微透次寥清磷磷甃石堪
僧坐一葉梧桐落半庭

關中秋夕

簾濕秋庭嶽在煙露光明滑竹蒼然何人意緒還
相似鶴宿松枝月半天

過驪山

丹腹蒼蒼簇背山路塵應滿舊簾間玄宗不是偏
行樂只爲當時四海閒

寒食日曲江

曲水池邊青草岸春風林下落花盃都門此日是

寒食人去看多身獨來

曲江醉題

閒身行止屬年華
馬上懷中盡落花
狂徧曲江還醉臥
覺來人靜日西斜

秋溪獨坐

黃葉分飛砧上下
白雲零落馬東西
人生萬意正端坐
日暮水聲流出溪

題于公花園

含桃莊主後園深
繁實初成靜掃陰
若使明年花可待
應須惱破事花心

宋氏林亭

地濕莎青雨後天
桃花紅近竹林邊
行人本是農桑客
記得春深欲種田

老圃堂

邵平瓜地接吾廬
穀雨乾時偶自鋤
昨日春風欺不在
就牀吹落讀殘書

中秋旅舍書懷

雲卷庭虛月逗空
一方秋草盡鳴蟲
是時兄弟正南北
黃葉滿階來去風

雨後早發永寧

春霖朝罷客西東馬足泥聲路未通獨愛千峯最高處一峯初日白雲中

蜀路

劒閣緣雲拂斗魁疾風生樹過龍媒前程愁罷知無益但是驚蹄亦到秦

參軍廳新池

簾外無塵勝物外牆根有竹似山根流泉不至客來久坐見新池落舊痕

監郡健爲將歸使府登通濟樓寓題

幾日監臨向蜀春錯拋歌酒強憂人江樓一望西

歸去不負嘉州只負身

太原使院晚出

青門無路入清朝
濫作將軍最下僚
同舍盡歸身獨在
晚風開印葉蕭蕭

河東幕乞假歸題候館

補

僕帶彫弓馬似飛
老萊衣上著戎衣
鄧亭不暇吟山水
塞外經年皆未歸

并州寓懷

補

人多知遇獨難求人負知音獨愛醪
常恐此心無樂處
枉稱年少在并州

彭門偶題

補

淮王西舍固非夫
柳惲偏州未是都
直到春秋諸列國
擁旄才子也應無

影燈夜二首

偃王燈塔古徐州
二十年來樂事休
誰見將軍心似海
四更身領萬人遊

十萬軍城百萬燈
酥油香暖夜如蒸
紅粧滿地烟光好
只恐笙歌引上昇

西縣道中有短亭
巖穴飛泉隔江灑
至因成

二首

風涼津濕共微微隔岸泉衝石竅飛爭得巨靈從
野性舊鄉無此壁將歸
一瀑三峯亦日天路人才見便翛然誰能夜向山
根宿涼月初生的有僊

符亭二首

有序

東三泉十五里以飛瀑結茅雖小甚勝諸所記
注皆云前宰符姓所爲俞姓所修而不識其人
因題曰符
亭旌之也

符亭之地雅離群萬古懸泉一旦新若念農桑也
如此縣人應得似行人

山如巫峽煙雲好路似嘉祥水木清大抵遊人總

應愛就中難說是詩情

望蜀亭

樹簇烟迷蜀國深
嶺頭分界戀登臨
前軒一望無他處
從此西川只在心

重遊通波亭

十年拋擲故園花
最憶紅桃竹外斜
此日郊亭心乍喜
敗榆荒草似還家

郊亭

郊亭宴罷欲回車
滿郭傳呼謫角初
尚擁笙歌歸未得
笑娥扶著醉尚書

壽安水館

地接山林兼有石
天懸星月更無雲
驚鷗上樹滿池水
灩澦一聲中夜聞

野園

野園無鼓又無旗
鞍馬傳盃用柳枝
嬌養翠娥無怕懼
挿人頭上任風吹

登城

偶作閒人上古城
路人遙望不相驚
無端將吏遙巡至
又作都頭一隊行

山下偶作

零雨霑山百草香
樹梢山頂盡斜陽
橫流巨石皆堪住
何事無僧有石房

伏牛山

虎蹲峯狀屈名牛
落日連村好望秋
不爲時危一作艱
耕不得一犁風雨
便歸休

過象耳山二首

一色青松幾萬栽
異香薰路帶花開
山門欲別心潛願
更到蜀中還到來

到處逢山便欲登
自疑身作往來僧
徒行至此三千里
不是有緣應不能

宿仙遊寺望月生峯

公門身入洞門行
出窅離籠似有情
僧語夜涼雲樹黑
月生峯上月初生

蒲中霽後晚望

河邊霽色無人見
身帶春風立岸頭
濁水茫茫有何意
日斜還向古蒲州

開元觀閑遊因及後溪偶成二韻

山殿經過滿逕蹤
隔溪遙望夕陽春
當時諸葛成

何事只令終身作臥龍

此自帶諸葛譬已有浮雲功業不如歸休意與武侯

無可律吾身句不同論者一繁譬之寬矣

聖燈

莽莽空中稍稍燈坐看迷濁變清澄須知火盡烟
無益一夜欄邊說向僧

過昌利觀有懷

萬仞雲峯八石泉李君仙後更誰仙我來駐馬人
何問老柏無多不種田

題平等院

十里城中一院僧各持巾鉢事南能還應笑我功
名客未解嫌官學大乘

僧牕

不悟時機滯有餘近來爲事更疎疎
朱輪皁蓋蹉跎盡猶愛明牕好讀書

戲舸

遠舸衝開一路萍岸傍倫上小茅亭
遊人莫覓盃盤分此地纔應聚德星

好客

好客連宵在醉鄉蠟烟紅暖勝春光
誰人肯信山僧語寒雨唯煎治氣湯

舟中酬楊中丞春早見寄

錦樓春望憶丹楹更遇高情說早鶯
江上境寒吟

不得溼風梅雨滿船輕

蜀中和府帥相公過安撫崔判官廳不遇之
什

竹映高牆似傍山鄒陽歸後令威還君看將相才
多少兩首詩成七步間

和友人寄懷

從來行樂近來稀
邈知言與我違
自是衰心不如舊
非關四十九年非

逢友人邊遊迴

一作馬戴詩

遊子新從絕塞迴
自言曾上李陵臺
尊前語盡北

風起秋色蕭條胡鴈來

畱別關東舊遊補

我去君畱十載中未曾相見及花紅
佗時住得君應老長短看花心不同

贈出塞客

出郊征騎逐風埃此別慙愁春未回
寒葉夕陽發

宿意蕭

一作蕭

關門向遠河開

雲花寺寓居贈海岸上人

暫寄空門未是歸上方林樹獨

一作獨著

儒衣吾師不

語應相怪頻惹街塵入寺飛

贈普恭禪師

一日迢迢每一食我心難伏我無難南簷十月繩
牀暖背卷真經向日看

贈無表師

笠戴圓陰楚地櫻磬敲清響蜀山銅秋來說偈寅
朝殿輕灑楊枝滿手風

老僧

清瘦形容八十餘瓠懸籬落似村居勸師莫羨人
間有幸是元無免破除

贈解詩歌人

同有詩情自合親不須歌調更含顰朝天御史非
韓壽莫竊香來帶累人

戲瞻相

失意蹉跎到舊遊見吹楊柳便遮羞瞻相趙女休
相拽不及人前詐擺頭

贈歡娘

八歲善吹笙

一束龍吟細竹枝青蛾擎在手中吹當初縱使雙
成在不得如伊是小時

子夜

嫋姚家宴敵吳王子夜歌聲滿畫堂此日相逢眉

翠盡女真行李乞齋糧

贈韋氏歌人二首

弦管聲凝發唱高幾人心地暗傷刀思量更有何
堪比王母新開一樹桃

補

一曲新聲慘畫堂可能心事憶周郎朝來爲客頻
開口綻盡桃花幾許香

京中客舍聞箏

十二三絃共五音每聲如截遠人心當時向秀聞
鄰笛不是離家歲月深

秋夜聽任郎中琴

十指宮商膝上秋七條絲動兩脩脩空堂半夜孤
燈冷彈著鄉心欲白頭

杏花

活色生香第一流手中移得近青樓誰知豔性終
相負亂向春風笑不休

黃蜀葵

嬌黃新嫩欲題詩盡日含毫有所思記得玉人初
病起道家裝束厭禳時

盤屋官舍新竹

心覺清涼體似吹滿風輕撼葉垂垂無端種在幽

閒地衆鳥嫌寒鳳未知

荔枝詩

有序

杜工部老居兩蜀不賦是詩豈有意而不及歟
白尚書曾有是作與旨早泥與無詩同予遂爲
之題不愧不負將來作者
以荔枝首唱愚其庶幾

願如松子色如櫻未識蹉跎欲半生歲杪監州曾
見樹時新入座久聞名

又和舊山雞

五色文勝百鳥王相思兼絕寄芸華由來不是池
中物雞樹歸時卽取將

鴈和韋侍御

肅肅雍雍義有餘九天鸞鳳莫相疎唯應靜向山
應過激發英雄夜讀書

句

百首如一首卷初如卷終

北夢瑣言云能以詩道為已任還劉得仁卷云

云譏劉不能變態也

坐久僕頭出語多僧齒寒南部新書西

塞長雲盡南湖片月斜

古今詩話

李白終無取陶潛

固不刊

論詩見鄭谷集注下同

我身若在開元日爭遣名

為李翰林

寄符郎中

卷終

戊籤五十七

至六十二同卷

唐音統籤卷

六百七十三

劉鄴字漢藩三復之子咸通中從藩幕召入內庭

特賜及第歷相位僖宗朝再遷尚書左僕射死黃

巢之難有甘棠集三卷今存詩二篇

宋志又有從事集三卷

唐書三復見知于李德裕鄴六七歲能賦詩德裕使與其子共師學後申德裕冤以未寔機歸葬世

高其義云

翰林作

祥懷集云鄴入翰苑為同列所輕因作詩云云才調清高終秉鈐軸

曾是江波垂釣人自憐深厭九衢塵浮生漸老年

隨水往事曾聞淚滿巾已覺遠天秋色動不堪閒

夜雨聲頻多慚不是相如筆虛直金鑾接侍臣

待漏院吟

玉堂簾外獨遲遲
明月初沉勘契時
聞聽景陽鐘盡後
兩鶯飛上萬年枝

戊籤五十八

鄭畋字台文
滎陽人
會昌進士第
累翰林學士承旨
僖宗朝以兵部侍郎同平章事
出節度鳳翔拒巢賊有功
復拜相
行在辭位卒
畋美風儀神采如玉
文學優深
尤長於賦
今編詩一卷

唐志畋鳳池藁草六十卷

是公武云
昔乾符堂判勅
學惟宋志載詩集一卷

中秋月直禁苑

禁署方懷忝綸闈已再加暫來西掖路還整上清
旌恍惚歸丹地深嚴宿絳霞幽襟聊自適閒弄紫
薇花

夢聽兩岐

聖慮憂千畝嘉苗薦兩岐如雲方表盛成穗忽標
奇瑞露縱橫滴祥風左右吹謳謠連上苑化日遍
平陵史冊書堪重丹青畫更宜願依連理樹俱作
萬年枝

題緱山王子晉廟

時爲渭南尉作

有昔靈王子吹笙遡沆瀣六宮攀不住三島去相

招亡國原陵古賓天歲月遙無蹊窺海曲有廟訪
山椒石帳龍蛇拱雲摧彩翠銷露壇裝琬琰真像
寫松喬珠館青童宴翠宮同母朝氣興仙女侍天
馬吏兵調湘妓紅絲瑟秦郎白管簫西城要綽約
南嶽命嬌嬈句曲觴金洞天台嘯石橋晚花珠弄
藥春茹玉生苗二景神光秘三元寶籙饒霧垂鴉
翅髮冰束虎章腰鶴馭爭銜箭龍妃合獻綃衣從
星渚浣丹就日宮燒物外花常滿人間葉自凋望
臺悲漢戾闕水笑梁昭古殿香殘地荒堦柳長條
幾曾期七日無復降重霄嵩嶺連天漢伊瀾入海

潮何由得真訣使我珮環飄

初秋寓直三首

曉星獨挂結麟樓三殿風高藥樹秋玉笛數聲飄
不佳問人依約在東頭

宿鳥翩翩落照微石臺樓閣鎖重扉步廊無限金
鸞響應是諸司扈從歸

幽閣焚香萬慮凝下簾胎息過禪僧玉堂分照無
人後消盡金盆一碗冰

夜景又作

鈴條無響閉珠宮小閣涼添玉藥風枕簟滿床明

月到自疑身在五雲中

杪秋夜直

藥宮裁詔與宵分雖在青雲憶白雲待報君恩了
歸去山翁何急草移文

禁直寄崔員外

銀臺樓北藥珠宮
夔與人間路不同
在省五更春睡侶
早來分夢玉堂中

聞號

陛兵偏近羽林營
夜靜仍傳禁號聲
應笑執金雙闕下
近南猶隔兩重城

禁直和人飲酒

鼎醴陀花物外香
清濃標格勝椒漿
我來尚有釣天會
猶得金樽半日嘗

下直早出

諸司人盡馬蹄稀
紫帕雲竿九釘歸
偏覺石臺清貴處
榜懸金字射晴暉

金鑾坡上南望

老學菴筆記云
任學士時作

玉晨鐘韻上

一作索

清虛盡戟祥煙拱

一作擁

帝居極

眼

一作月

向南無限地
綠煙深處認中書

酬隱珪舍人寄紅燭

蜜炬殷紅盡不如且將歸去
蘇吾廬今來併得三
般事靈運詩篇逸少書

馬嵬坡

關史云馬嵬太真綰所題詩者多懷感鄭畋為鳳翔從事口題云云觀者

以為有宰輔之器

肅宗回馬楊妃死雲雨雖亡日月新終是聖明天

子事景陽宮井又何人

句

圓明青飢飯光潤碧霞漿

古今詩話

浴殿晴秋倘中

謝殘英猶可醉瓊杯

紫微花海錄碎事

戊籤五十九

李拯字昌時隴西人咸通中登第僖宗朝累官考

功郎知制誥僞煜僭號逼爲翰林學士煜敗爲亂

兵所殺名在文苑傳無集錄

本傳云拯妻盧氏亦知詩能文有姿色賊

脅以刃不活斷臂死人皆傷之

遷朝望終南山

僖宗幸寶雞拯扈從不及在鳳翔逼受僞署拯心不自安

常遷朝駐馬國門望南山吟此吟已涕下

紫宸朝罷綴鴛鴦丹鳳樓前駐馬看惟有終南山

色在晴明依舊滿長安

戊籤六十

公乘億字壽仙魏人有支名咸通末進士第與李

山甫同爲魏博樂彥禎從事加授侍郎詩一卷

唐志

今存詩四篇

唐志又有賦集十二卷宋志華林集三卷珠林集四卷惟言六億於高

詩郎提登第提典頁壹兼至公億賦平士子有賦三百首人多書于壁

賦得郎官上應列宿

北極佇文昌南宮曉拜郎紫泥兼帝澤銀印佩天

光緯結三台側鈎連四輔傍佐商依傳說仕漢笑

馮唐委佩搖秋色峨冠帶晚霜自然符列象千古

耀耀

春風頌微和

麗日暉遲景和風扇早春暖浮丹鳳闕韶媚黑龍

津澹蕩迎仙仗霏微送畫輪綠搖宮柳散紅待禁
花新舞席潛迴雪歌筵暗起塵幸當陽候律一顧
及佳辰

賦得秋菊有佳色

陶令籬邊菊秋來色轉佳翠攢千片葉金剪一枝
花藥逐蜂鬚亂英隨蝶翅斜帶香飄綠綺和酒上
烏紗散漫搖霜彩嬌妍漏日華芳菲彭澤見稱更
在誰家

賦得臨江遲來客

江上晚沉沉煙波一望深向來殊未至何處擬相

尋柳結重重眼萍翻寸寸心暮山期共眺寒渚待
同臨北去魚無信南飛鴈絕音思君不可見使我
獨愁吟

句

十上十年皆落第一家一半已成塵

據言云億咸通十三年別

家十餘年矣嘗大病鄉人傳已死其妻自河北迎喪會億送客馬上見婦人粗練類其妻也睇睨不已妻亦如之詰之則是也相持而哭路人異之後旬日登第億嘗有詩云云可知其屈矣

戊籤六十一

姚巖傑梁公元崇裔孫以詩酒放遊江左恃才所
至侮傲人畏之中和末豫章大亂病死有集二十

卷目曰象溪了失傳

各志不載惟

今存詩一篇

盧

我歙州嚴傑在婺源先以著述寄肇肇已知其人
辭以兵火之後郡中凋弊無以迎逢大賢嚴傑傳
以長箋激之肇不得已報詩乘馬迎至郡齊館穀
如公卿禮既而日肆傲眠肇嘗以篇誅叱於嚴傑
曰明月照巴山嚴傑笑曰明月照天下奈何獨巴
山耶子發漸不得意無何會于江亭時蒯希逸在
席肇改令曰目前取一聯象令主曰遠望漁舟不
濶尺入巖傑遽飲酒一器凭欄嘔噦須臾卽席還
令曰凭欄一吐已覺空
喉其侮慢倨傲如此

報顏標

據言云乾符中標典藩鞠場亭宇初
創命嚴傑紀其事文成斐然標欲刊

去一字嚴傑大怒標遂
仆其碑嚴傑以一篇紀之

爲報顏公識我麼我心唯只與天和眼前俗物關

情少醉後青山入意多由子莫嫌彈鋏恨甯生休

唱飯牛歌聖朝若爲蒼生計也合公車到薜蘿

戊籤六十二

鄭賓字貢華乾符進士第集十卷今亡

句

萬蘊千牌次碧牙縹緗金牢間明霞

宣和書譜云寶善楷書曰天

復中筆家自華至陳未嘗廢詞翰其題經藏有句云云

戊籤六十三

唐音統籤卷

六百七十四

高駢字千里南平郡王崇文之孫家世禁衛折節
爲文學與諸儒交懿宗朝歷秦州經畧安南都護
鄆州西川荆南節度觀察等使廣明之亂拜諸道
兵馬都統鎮楊州懷貳心擁兵自固奸神仙信任
呂用之諸人政大亂爲其將畢師鐸所殺詩一卷
唐宋志同 太平廣記云駢幼好爲詩雅有奇藻
屬情賦詠橫絕常流時來筆者多不及之故唐李
言勳臣有文者駢其首焉集遇亂多亡今其存
者如言懷二女廟咏雪聽歌竹枝多盛傳于世

言懷

恨乏平戎策慙登拜將壇手持金鉞冷身掛鐵衣

寒主聖扶持易恩深報効難三邊猶未靜何敢便
休官

遣興

澤世忙忙蟻子群莫嘆頭上雪紛紛沉憂萬種與
千種行樂十分無一分越外險巇防俗事就中拘
檢信人文醉鄉日月終須覓去作先生號白雲

依韻奉酬李廸

柳下官資顏子居閒情人骨若爲除詩成斬將奇
難敵酒熟封侯快未如只見絲綸終日降不知功
業是誰書而今共飲醇滋味消得揶揄勢利踈

和王昭符進士贈洞庭趙先生

爲愛君山景最靈
角冠秋禮一壇星
藥將鷄犬雲間試
琴許魚龍月下聽
自要乘風隨羽客
誰同種玉驗仙經
煙霞寂寞無人到
唯有漁翁過洞庭

途次內黃馬病寄僧舍呈諸友人

官閒馬病客深秋
肯學張衡詠四愁
紅葉寺多詩景致
白衣人盡酒交游
依違諷刺因行得
澹泊供需不在求
好與高陽結吟社
況無名跡達珠旒

寄鄠杜李遂良處士

小隱堪忘世上情
可能休夢入重城
池邊寫字師

前輩座右題銘律後生吟社客歸秦渡晚醉鄉漁
去漢陂晴春來不得山中信盡日無人傍水行

留別彰德軍從事范校書

無金寄與白頭親節槩猶誇似古人未出塵埃真
落魄不趨權勢正因循桂攀明月曾觀國蓬轉西
風却問津匹馬東歸羨知己燕王臺上結交新

遣興

把盞非憐酒持竿不爲魚惟應嵇叔夜似我性慵
疎

送春

水淺魚爭躍花深鳥競啼春光看欲盡判却醉如泥

海翻

幾經人事變又見海濤翻徒起如山浪何曾洒至冤

南海神祠

滄溟八千里今古畏波濤此日征南將安然渡萬艘

筇竹杖寄僧

堅輕筇竹杖一枝有九節寄與沃州人閒步秋山

月

塞上曲二首

二年邊塞絕煙塵
一曲河灣萬恨新
從此鳳林關外事
不知誰是苦心人
隴上征夫隴下魂
今生同恨漢將軍
不知萬里沙場苦
空舉平安火入雲

閨怨

人世悲歡不可知
夫君初破黑山歸
如今又獻征南策
早晚催縫帶號衣

步虛詞

清谿道士人不識
上天下天鶴一隻
洞門深鎖碧窓寒
滴露研朱點周易

寫懷二首

漁竿消日酒消愁
一醉忘情萬事休
卻恨韓彭興漢室
功成不向五湖遊

花滿西園月滿池
笙歌搖曳盡船移
如今暗與心相約
不動征旗動酒旗

寓懷

關山萬里恨難銷
鐵馬金鞭出塞遙
爲問昔時青海畔
幾人歸到鳳林橋

殘春遣興

畫舸輕桡柳色新
摩訶池上醉青春
不辭不爲青
春醉只恐鶯花也
慙人

池上送春

持竿閒坐思沈吟
釣得江鱗出碧潯
回首看花花
欲盡可憐寥落送
春心

山亭夏日

綠樹陰濃夏日長
樓臺倒影入池塘
水精簾動微
風起滿架薔薇一
院香

平流園席上

盡舸搖煙水滿塘柳絲輕軟小桃香却緣龍節爲
縈絆好是狂時不得狂

邊方春興

草色青青柳色濃玉壺傾酒滿金鍾笙歌嘹亮隨
風去知盡關山第幾重

南征叙懷

萬里驅兵過海門此生今日報君恩回期直待烽
煙靜不遣征衣有淚痕

蜀路感懷

蜀山蒼翠隴雲愁鑾駕西巡幾州惟有縈回深

澗水潺湲不改舊時流

入蜀

萬水千山音信稀
空勞夢到京畿
漫天嶺上頻回首
不見虞封淚滿衣

赴西川途經號驛作

亞夫重過柳營門
路指岷峨隔暮雲
紅額少年遮道拜
殷勤認得舊將軍

錦城望

蜀江波影碧悠悠
四望煙花市郡樓
不會人家多少錦
春來盡掛樹梢頭

過天威徑

豺狼旣盡郤朝天戰馬休嘶瘴嶺煙歸路嶮巖今
坦蕩一條千里直如絃

聞河中王鐸加都統

本傳云鐸爲都統黃寇

乃以宰相王鐸爲都統代之鐸旣失兵權
據袂論列語多不遜其詩驕傲不平如此

煉汞燒鉛四十年至今猶在藥爐前不知子晉緣
何事只學吹簫便得仙

宴犒蕃軍有感

蜀地恩留馬嵬哭煙雨濛濛春草綠滿眼由來是
舊人那堪更奏梁州曲

訪隱者不遇

落花流水認天台半醉閒吟獨自來惆悵仙翁何處去滿庭紅杏碧桃開

春日招賓

妖亂志聯於楊州府第建道院院有延和閣高八十八尺飾以珠璣金

鈿侍女數百皆羽衣霓服和聲度曲擬之鈞天

花枝如火酒如飴正好狂歌醉復醒對酒看花何處好延和閣下碧筠亭

廣陵宴次戲簡幙賓

一曲狂歌酒百分蛾眉畫出月爭新將軍醉罷無餘事亂把花枝折贈人

對花呈幕中

海棠初發去春枝
首唱曾題七字詩
今日能來花下飲
不辭頻把使頭旗

赴安南卻寄台司

曾驅萬馬靜江山
風去雲回頃刻間
今日海門南面事
莫教還似鳳林關

渭川秋望寄右軍王特進

長川終日碧潺湲
知道天河與地連
憑寄兩行朝闕淚
願隨流入御溝泉

塞上寄家兄

棣萼分張信使稀幾多鄉淚濕征衣笳聲未斷腸
先斷萬里胡天鳥不飛

安南送曹別勅歸朝

雲水蒼茫日欲收野煙深處鷓鴣愁知君萬里朝
天去爲說征南已五秋

贈歌者二首

酒滿金船花滿枝佳人立唱慘愁眉一聲直入青

雲去多少悲歡起此時

一作酒滿金樽花滿枝雙
蛾齊唱鷓鴣詞清聲揭入

雲間去駐得
春風花落遲

公子邀歡月滿樓雙成

一作佳人

揭調唱伊州便從席

上風沙

一作秋風

起直到蕭關水盡頭

歎征人

心堅膽壯箭頭親
十載沙場受苦辛
力盡路傍行不得
廣張紅旆是何人

寄題羅浮別業

不將真性染埃塵
爲有煙霞伴此身
帶月長江好歸去
博羅山下碧桃春

湘妃廟

帝舜南巡去不還
二妃幽怨水雲間
當時珠淚垂多少
直到如今竹尚斑

太公廟

青山長在境長新
寂寞持竿一水濱
及得王師身已老
不知辛苦爲何人

馬嵬驛

玉顏雖掩馬嵬塵
冤氣和煙鎖渭津
蟬鬢不隨驪駕去
至今空感往來人

對雪

六尺花飄入戶時
坐看修竹變瓊枝
如今一作好

上高樓望一作看蓋盡人間惡路岐

題風箏寄意

紀事云駢鎮蜀曰以南詔侵暴築羅城四十里朝廷雖加恩賞

亦疑其固護或一日聞奏樂聲響知有改
移乃題風箏寄意云云旬日報到移鎮清
宮

夜靜絃聲響碧空宮商信任往來風依稀似曲才
堪聽又被移將別調中

邊城聽角

席箕風起鴈聲秋隴水邊沙滿自愁三會五更吹
欲盡不知凡白幾人頭

句

人間無限傷心事不得罇前折一枝

妖亂志云光
啟三年駢鎮

淮海三月使院看花駢與諸從事詩其末云云蓋
亡滅之識也及被幽辱計口給食自五月至八月

月二
圍蓋急遠
及于難

滿宮多少承恩者似有容華妾也無

滿身珠翠將何用唯與豪家拂象牀何人種

得西施花千古春風開不盡

桂苑叢談載甘露寺
諸鬼謝晦謝世基王

偉與高駢冥會晦誦駢滿宮句云公縱無此句恐
不脫此難世基曰此猶可也大忌者滿身云
此也位曰侯齊記何人云王可謂越古超今矣
三損皆是詩生隨意句為專于